

Sr. Booshi Wever(MEP)

Ta pidi gobierno prioridad pa caso di vandalismo riba graf di Libertador



Sr. Booshi Wever

ORANJESTAD – E vandalismo riba kelder di Betico Croes no por bay impune. Mester bin un solucion tras di e caso aki mas rapido cu ta posibel. Parlamento a existi pa gobierno busca un solucion pa e acto condenabel aki riba e graf libertador Betico Croes. Un di e fraccionnan cu sigur ta boga pa un solucion ta e fraccion di MEP. Lider di Fraccion di MEP a indica cu nan ta keda cu atencion pa e caso condenabel aki.

Fraccion di MEP dia cu a trata e proyecto di dump den reunion Publico, a introduci un mocion pa instrui gobierno pa mas lihe yega na un solucion di e vandalismo cu a tuma luga riba e kelder di Defunto Libertador Betico Croes(QEPD). Sr. Booshi

Wever a indica cu nan kier sa ken ta e malhechornan cu a comete e acto aki. Tambe a manda un carta personal pa gobierno pa di e forma aki pone extra enfasis riba un solucion mas rapido.

Ta spera cu gobierno pone tur caso un banda y duna atencion completo na e caso aki. Lider di Fraccion di MEP den Parlamento a indica cu tanto nan como partido MEP ta considera e acto aki un ofensa. E lider di fraccion a indica cu ta increibel cu a habri graf di un hende. Ta spera cu ta pa vandalismo y ningun otro meta tras di esaki. Fraccion di MEP a indica cu si dentro di un siman no tende nada di e caso aki, nan lo bolbe pidi gobierno pa pone mas atencion na e caso aki. “E ta birando algo



cu mester di debido atencion y nos no ta sinti cu gobierno ta percurando pa esaki”, asina e lider di e fraccion geel a enfatisa. Practicamente MEP ta sinti cu gobierno no ta haciendo nada pa e caso aki. Fraccion di MEP y partido MEP ta haya hopi importante pa soluciona e caso aki. MEP ta kere cu ta importante pa bin tras di esunnan cu a comete e acto. Mesora

ta haya sa kico ta e motibo tras di e caso aki. E cosnan aki no ta pas den e comunidad aki y tampoco den e norma y balornan. Sr. Booshi Wever ta di pensamiento cu tin hende cu mente maligno cu no ta interes pa a haya sa ta ken. Prome Minister Mike Eman tin un rol importante pa hunga. Ta momento pa e pone hecho tras di su palabranan cu e la papia riba dia

di Betico. Ken cu pro ta cu ta e malechor aki mester trece dilanti pa pueblo sa ta ken a ofende un defunto. E por ta cua defunto cu ta, pero den e caso aki mas ainda ta trata di libertador di Aruba Betico Croes. Pues ta existi un solucion di e caso aki mas rapido cu ta posibel, pa e asunto aki no muri y ningun hende haya sa ta ken a comete e acto castigabel aki. □